



ONDARROAKO UDALA



“IKASTURTE HASIERAKO BONUA” 2021 KANPAINA ARAUTZEN DUTEN OINARRIAK

1.-HELBURUA. “Ikasturte hasierako bonua” herriko kontsumoa suspertzeko proiektua da. Proiektu hau Ondarroako Udalaren ekimena da, Zatozte Ondarroako Merkataria eta Ostalarien Elkartarekin lankidetzan.

2.- BONUAREN EZAUGARRIAK. Ikasturte hasieran izaten den gastua arintzeko ekimena da. Bonua 18 urte artekoentzat izango da, 18 urtekoak barne. Bonuak 10,00euroko balioa izango du. Udalak guztira 1.200 bonu jaulkiko ditu. 18 urtetik beherako pertsona bakoitzak bonu bakarra eskuratu ahal izango du. Halaber, egindako gastuaren gutxieneko zenbatekoa 20,00 eurokoa izango da, eta horrela agertuko da gastuaren faktura sinplifikatuan. Bonuak ezin dira esku diruarekin trukatu eta bonuaren balioari dagokion dirurik ez da bueltatuko.

3.-BONUA ESKURATZEA. Bonuak Ondarroako Turismo Bulegoan eskuratuko dira. 18 urte arteko (18urtekoak barne) pertsona bakoitzak 10 euroko bonu bakarra eskuratu ahal izango du.

Bonuaren onuraduna 18 urte baino gutxiagokoa bada, bonua eskuratu ahal izateko

- Turismo Bulegoan bonua jasotzera joan behar duena adinez nagusia izango da eta bere N.A aurkeztu beharko du
- Bonuaren onuradunaren **FAMILIA LIBURUA** aurkeztu beharko du eta, arrazoiak arrazoi, familia liburua izan ezean jaiotza ziurtagiria aurkeztu beharko du

Bonuaren onuradunak 18 urte beteta baditu

- Turismo Bulegoan bonua jasotzera joan behar duena adinez nagusia izango da eta bere N.A aurkeztu beharko du
- Bonuaren onuradunaren N.A aurkeztu beharko du

Bonuak eskuratzeko epea 2021 09 01etik 2021 09 30 artekoa da. Salbuespen gisa, erakunde antolatzaileak epe hori luza lezake

4.- BONUAK ERABILTZEKO EPEA. Bonua 2021 09 30arte erabili ahal da, kanpaina honi atxikitako dendetan (erakuslehoan kanpainako kartela izango dute). Hala ere, beharrezan arabera, erakunde antolatzaileak epe hori luzatu ahal izango du.

5.- SALTOKIEK PARTE HARTZEKO BALDINTZAK. Saltokia Ondarroan daukan pertsona fisiko edo juridikoa izatea eta bere jarduera nagusia JEZaren (Jarduera Ekonomikoaren Zerga) ondorengo epigraferen baten baitan sartzea



ONDARROAKO UDALA



474 ARTE GRAFIKOAK (INPRIMAKETA GRAFIKOA)

491. BITXIAK ETA IMITAZIOZKO BITXIAK

651 OIHALGINTZA EKOIZKINEN, JANTZIGINTZA, OINETAKOGINTZA, LARRU ETA LARRUKI ARTIKULUEN TXIKIZKAKO SALMENTA..

652. SENDAGAIEN ETA FARMAZIA-PRODUKTUEN TXIKIZKAKO MERKATARITZA; DROGERIAKO ETA GARBIKETAKO GAIEN TXIKIZKAKO MERKATARITZA; MOTA GUZTIETAKO LURRINGINTZA ETA KOSMETIKOAK; ETA, ORO HAR, PRODUKTU KIMIKOEN TXIKIZKAKO MERKATARITZA; BELAR-DENDETAKO BELARREN ETA LANDAREEN TXIKIZKAKO MERKATARITZA

653. ETXEKO EKIPAMENDURAKO ETA ERAIKUNTZARAKO GAIEN TXIKIZKAKO MERKATARITZA

659. TXIKIKAZKO BESTE SALTOKI BATZUK

69. KONPONKETAK

76. TELEKOMUNIKAZIOAK

887 MAKILLATZAILEAK ETA ESTETIZISTAK

971. GARBITEGIAK, TINDATEGIAK ETA ANTZEKO ZERBITZUAK

972. ILE-APAINDEGIAK ETA EDERTASUN INSTITUTUAK

973 ZERBITZU FOTOGRAFIKOAK ETA FOTOKOPIAK

6.- KANPAINARA ATXIKITZEA. Kanpaina honetara atxikitzeke epea 2021 08 09tik, kanpaina bukaera arte. Kanpaina parte hartu nahi dutenek ondorengo dokumentazioa aurkeztu beharko dute

- Kanpainara atxikitzeke eskaera
- EJZren alta dokumentuaren kopia

Dokumentazioa Zatozte Elkartearen bulegoan (Kantoipe z/g) entregatu beharko da (9:30-14:00).

7.- ESTABLEZIMNEDUEK BONUAK ETA AGIRIAK ENTREGATZEA. Kanpainara atxikitako enpresek bonu originalak, bonua erabiliz egindako erosketari dagokion faktura sinplifikatua eta oinarri hauetako I. Eranskina behar den moduan beteta entregatu beharko dituzte. Agiriak entregatuko dira Zatozte Elkartearen bulegoan (Kantoipe z/g) (9:30-14:00). Horretarako, epea 2021 10 1etik 2021 10 08era (biak barne) izango da

8.- SALTOKIEI BONUAK ORDAINTZEA. Bonuak entregatu ondoren, Ondarroako Udalak bonu horiek berrikusi eta balidatu egingoko ditu.

Akatsak antzemanenez gero, establezimenduko arduradunari 10 egun baliouduneko epean hauek zuzentzeko eskatuko zaio.

Eskabideak aurkezteko edo zuzentzeko epea amaitu eta gehienez ere 30 eguneko epean ordainduko dira, eskabidean zehaztutako kontu korrontearen zenbakian.

9.- ATXIKITAKO SALTOKIEN BETEBEHARRAK. Kanpainara atxikitako saltokiek ondorengo betebeharrak bete beharko dituzte:

- Faktura sinplifikatu bakoitzagatik (zenbatekoa 20,00 euro edo gehiagokoa izan beharko dena) bonu bakarra jasotzea.
- Oinarri hauetan zehaztutako epeak betetzea.
- Erakusleihan (edo ikusteko moduko tokian) kanpainako ikurrak jartzea.
- Kontsumitzaileei kanpainaren ezaugarrien berri ematea.
- Ondarroako Udalari honek eskatutako informazio eta agiri guztiak ematea, kanpainako baldintzak behar bezala bete direla egiaztatzeko.



ONDARROAKO UDALA



10.- EZ BETETZEAK. Oinarri hauetan zehaztutako epeak eta baldintzak betetzen ez badira, sortutako edozein ordainketa eskubide galduko da.

11.- IZAERA PERTSONALEKO DATUEN BABESA. Kanpaina honetan lortutako datuak Ondarroako Udalaren titulartasuneko fitxategietan gordeko dira, kanpaina honetako baldintzak aplikatzeko soilik. Atxikitako establezimenduek datuetan sartzeko, datuak zuzentzeko, ezerezteko eta datuen aurka egiteko eskubideak baliatu ahal izango dituzte, helbide elektronikoa honetara mezu bat bidalita: orokorra@ondarroa.eus, 3/2018 Lege Organikoaren arabera.

Ondarroan, 2021ko abuztuaren 6an
ALKATEA
ZUNBELTZ BEDIALAUNETA IBAIBARRIAGA